



Arkivnr: 2014/560-238
Saksbehandlar: Ingeborg Borgen Takle

Saksframlegg

Saksgang

Utvål	Saknr.	Møtedato
Ungdommens fylkesutval		09.09.2016

Presentasjon av Ungdommens fylkesutval for fylkesting og fylkesutval

Samandrag

Ungdommens fylkesutval ønskjer å presentere utvalet og Ungdommens handlingsprogram for fylkestinget og fylkesutvalet. Det er ein opning for at Ungdommens fylkesutval kan presentere seg på fylkestinget 04.-05. oktober.

Det er og mogleg å få til ein fast ordning der Ungdommens fylkesutval presenterer seg for eit spesielt fylkesting kvart år. Forslaga vert då enten mars-tinget eller oktober-tinget. Juni-tinget er alltid utanfor Bergen, så kan verte utfordrande med transport, og desember-tinget er eit travelt ting med blant anna budsjett som skal vedtakast.

Mars-tinget kjem rett etter valet av nytt Ungdommens fylkesutval og nytt Ungdommens handlingsprogram som skjer i slutten på februar. Då har ein moglegheit til å presentere den nye politikken og prøve å påverke for tida som kjem. Samtidig vert det veldig liten tid for Ungdommens fylkesutval til å sette seg inn i Ungdommens handlingsprogram, ansvarsområda og førebu seg til ein slik presentasjon. Det er og ein dialogdag i mars der ein møter nokre politikarar.

Oktober-tinget kjem på slutten av perioden for Ungdommens fylkesutval, og det vert meir ein presentasjon av kva ein har gjort, ikkje like mykje kva ein ønskjer å gjere. På andre sida er alle i Ungdommens fylkesutval meir kjende med kvarandre og ansvarsområda og vil vere godt førebudde til ein slik presentasjon. Ein har og moglegheit til å prøve å påverke mot budsjettet som vert lagt fram den månaden og kanskje til å invitere og informere om Ungdommens fylkesting i februar neste år. Nettverkssamlinga kan ein og informere om.

I forslag til møteplan 2017, som kjem som ei eiga sak, er presentasjon for fylkestinget førebels lagt til oktober.

Forslag til vedtak

1. Ungdommens fylkesutval ønskjer å presentere seg for fylkestinget i oktober 2016.
2. Ungdommens fylkesutval ønskjer ei fast ordning der utvalet presenterer seg for fylkestinget i kvart år.

Bertil Søfteland
leiar fylkessekretariatet

Ingeborg Borgen Takle
rådgjevar

Saksframlegget er godkjent elektronisk og har derfor inga underskrift.